



NEGERI PULAU PINANG

**MESYUARAT PERTAMA  
PENGGAL PERTAMA  
DEWAN UNDANGAN NEGERI  
KEEMPAT BELAS**

**PENYATA RASMI  
MAJLIS PERASMIAN  
MESYUARAT PERTAMA  
PENGGAL PERTAMA**

**3 OGOS 2018 (JUMAAT)**

Dikeluarkan oleh

**BAHAGIAN DEWAN UNDANGAN NEGERI  
PULAU PINANG**

### 3 OGOS 2018 (JUMAAT)

<b>Kandungan</b>	<b>Muka Surat</b>
<b>KEHADIRAN AHLI YANG BERHORMAT</b>	<b>3 - 4</b>
<b>PENGUMUMAN OLEH SETIAUSAHA DEWAN UNDANGAN NEGERI</b>	<b>5</b>
<b>UCAPAN TUAN YANG TERUTAMA YANG DI-PERTUA NEGERI PULAU PINANG</b>	<b>5 - 8</b>
<b>UCAPAN PENANGGUHAN OLEH YANG DI-PERTUA DEWAN UNDANGAN NEGERI</b>	<b>8</b>

# LAPORAN PERSIDANGAN

## MESYUARAT PERTAMA PENGGAL PERTAMA

### DEWAN UNDANGAN NEGERI PULAU PINANG YANG KEEMPAT BELAS

**Tarikh** : 3 OGOS 2018 (JUMAAT)  
**Masa** : 9.30 Pagi  
**Tempat** : Dewan Undangan Negeri  
Lebuh Light, George Town  
Pulau Pinang.

#### HADIR

Bil.	Nama	Jawatan/Ahli Kawasan
1	YB. Dato' Law Choo Kiang	Yang di-Pertua Dewan Undangan Negeri
2	Y.A.B. Chow Kon Yeow	Ketua Menteri / Padang Kota
3	YB. Prof. Dr. P. Ramasamy A/L Palanisamy	Timbalan Ketua Menteri II / Perai
4	YB. Chong Eng	Padang Lalang
5	YB. Jagdeep Singh Deo A/L Karpal Singh	Datok Keramat
6	YB. Phee Boon Poh	Sungai Puyu
7	YB. Dr. Afif Bin Bahardin	Seberang Jaya
8	YB. Zairil Khir Johari	Tanjung Bunga
9	YB. Dato' Haji Abdul Halim Bin Hussain	Batu Maung
10	YB. Yeoh Soon Hin	Paya Terubong
11	YB. Soon Lip Chee	Bagan Jermal
12	YB. Teh Lai Heng	KOMTAR
13	YB. Lim Guan Eng	Air Putih
14	YB. Dr. Hajah Norlela Binti Ariffin	Penanti
15	YB. Lee Khai Loon	Machang Bubuk
16	YB. Jason Ong Khan Lee	Kebun Bunga
17	YB. Lim Siew Khim	Sungai Pinang
18	YB. Khaliq Mehtab Bin Mohd Ishaq	Bertam
19	YB. Mustafa Kamal Bin Ahmad	Telok Ayer Tawar
20	YB. Satees A/L Muniandy	Bagan Dalam
21	YB. Heng Lee Lee	Berapit
22	YB. Gooi Hsiao-Leung	Bukit Tengah
23	YB. Goh Choon Aik	Bukit Tambun
24	YB. H'ng Mooi Lye	Jawi

<b>Bil.</b>	<b>Nama</b>	<b>Jawatan/Ahli Kawasan</b>
25	YB. Dr. Amar Pritpal Bin Abdullah	Timbalan YDP Dewan Undangan Negeri / Sungai Bakap
26	YB. Zulkifli Bin Ibrahim	Sungai Acheh
27	YB. Lee Chun Kit	Pulau Tikus
28	YB. Gooi Zi Sen	Pengkalan Kota
29	YB. Ong Ah Teong	Batu Lancang
30	YB. Syerleena Binti Abdul Rashid	Seri Delima
31	YB. Joseph Ng Soon Siang	Air Itam
32	YB. Kumaresan A/L Aramugam	Batu Uban
33	YB. Dato' Saifuddin Nasution Bin Ismail	Pantai Jerejak
34	YB. Azrul Mahathir Bin Aziz	Bayan Lepas
35	YB. Haji Mohd Tuah Bin Ismail	Pulau Betong
36	YB. Zolkifly Bin Md. Lazim	Telok Bahang
37	YB. Muhammad Faiz Bin Fadzil	Permatang Pasir
38	YB. Muhamad Yusoff Bin Mohd. Noor	Ketua Pembangkang / Sungai Dua
39	YB. Nor Hafizah Binti Othman	Permatang Berangan
40	YB. Mohd. Yusni Bin Mat Piah	Penaga

#### **TIDAK HADIR**

<b>Bil.</b>	<b>Nama</b>	<b>Jawatan/Ahli Kawasan</b>
1	YB. Dato' Ir. Haji Ahmad Zakiyuddin Bin Abd. Rahman	Timbalan Ketua Menteri I / Pinang Tunggai

#### **AHLI-AHLI YANG HADIR MENGIKUT BAHAGIAN I BAB 3 PERKARA 6A PERLEMBAGAAN NEGERI PULAU PINANG.**

<b>Bil.</b>	<b>Nama</b>	<b>Jawatan</b>
1	YB. Dato' Seri Haji Farizan Bin Darus	Setiausaha Kerajaan Negeri
2	YB. Dato' Anas Bin Ahmad Zakie	Penasihat Undang–Undang Negeri
3	YB. Puan Sarul Bahiyah Binti Haji Abu	Pegawai Kewangan Negeri

#### **TURUT HADIR**

Cik Maheswari A/P Malayandy	-	Setiausaha Dewan Undangan Negeri
Encik Mohd Roshidi Bin Azmi	-	Timbalan Setiausaha Dewan Undangan Negeri

**Setiausaha Dewan:**

Ahli-ahli Yang Berhormat, Yang Berhormat Yang di-Pertua Dewan Undangan Negeri. Ahli-ahli Yang Berhormat, Bacaan Doa.

**Ahli Kawasan Pulau Betong (YB. Haji Mohd Tuah Bin Ismail:**

Bacaan Doa.

**Setiausaha Dewan:**

Pengumuman oleh Yang Berhormat Yang di-Pertua Dewan Undangan Negeri.

**Yang di-Pertua Dewan Undangan Negeri:**

Ahli-ahli Yang Berhormat, Tuan Yang Terutama Tun dan Yang Amat Berbahagia Toh Puan akan tiba di Dewan ini sebentar lagi untuk menyampaikan ucapan kepada Dewan.

**Setiausaha Dewan:**

Ahli-ahli Yang Berhormat, Tuan Yang Terutama Tun dan Yang Amat Berbahagia Toh Puan.

Ahli-ahli Yang Berhormat, ucapan oleh Tuan Yang Terutama Yang di-Pertua Negeri.

**Tuan Yang Terutama Yang di-Pertua Negeri Pulau Pinang:**

*Assalamualaikum WBT. Selamat pagi dan salam sejahtera. Bismillahirrahmanirrahim. Alhamdulillah rabbil-'alamin was-salatu was-salam 'ala sayyidil-mursalin wa 'ala 'alihi wa sahbihi ajma'in.*

Yang Berhormat Dato' Law Choo Kiang, Yang di-Pertua Dewan Undangan Negeri Pulau Pinang dan Yang Berbahagia Datin Teoh Hooi Tuang,

Yang Berhormat Tuan Chow Kon Yeow, Ketua Menteri Pulau Pinang dan Yang Berbahagia Puan Tan Lean Kee,

Yang Berhormat Prof. Dr. P. Ramasamy A/L Palanisamy, Timbalan Ketua Menteri II Pulau Pinang,

Yang Berhormat Dato' Seri Farizan Bin Darus, Setiausaha Kerajaan Negeri Pulau Pinang dan Yang Berbahagia Datin Seri Hajah Hamidah Binti Mat Daud,

Yang Berhormat Muhamad Yusoff Bin Mohd. Nor, Ketua Pembangkang,

Yang Berhormat Ahli-ahli Majlis Mesyuarat Kerajaan Negeri,

Yang Berhormat Ahli-ahli Dewan Undangan Negeri, Yang Berbahagia Konsul-Konsul Jeneral negara sahabat di Pulau Pinang,

Yang Berbahagia Dato' Seri-Dato' Seri, Datin Seri-Datin Seri, Dato'-Dato', Datin-Datin, Ketua-ketua Jabatan, Agensi Negeri dan Persekutuan, seterusnya tuan-tuan dan puan-puan yang saya hormati sekalian.

*Alhamdulillah*, setinggi-tinggi kesyukuran dilafazkan kepada Allah SWT kerana dengan izin dan limpah kurnia-Nya jua maka dapat kita berada di dalam Dewan yang mulia ini bagi Majlis Perasmian Mesyuarat Pertama Penggal Pertama Dewan Undangan Negeri Pulau Pinang untuk kali yang keempat belas.

Sebelum itu, saya mengambil kesempatan ini untuk mengucapkan setinggi-tinggi tahniah dan syabas kepada semua Ahli-ahli Yang Berhormat kerana dipilih untuk mewakili kawasan Dewan Undangan Negeri masing-masing dalam Pilihanraya Umum yang keempat belas pada 09 Mei 2018 dan telah pun mengangkat sumpah sebagai Ahli Dewan Undangan Negeri pada 02 Ogos 2018. Saya juga mengambil kesempatan ini untuk merakamkan ucapan terima kasih kepada Suruhanjaya Pilihanraya serta jenteranya termasuk anggota-anggota keselamatan dan semua jabatan-jabatan dan agensi kerajaan yang terlibat dalam pengurusan pilihan raya hingga membolehkan penubuhan kerajaan susulan kepada keputusan pilihanraya yang berkenaan.

Sesungguhnya, keputusan pilihanraya tersebut membuktikan keyakinan pemilih kepada Ahli-ahli Yang Berhormat untuk mewakili mereka di dalam Dewan yang mulia ini. Amanah serta harapan yang diberikan kepada Ahli-ahli Yang Berhormat hendaklah diterjemahkan dengan menyuarakan kehendak dan ekspektasi mereka dan melunaskan keperluan tersebut dengan penuh tanggungjawab, berintegriti, jujur dan ikhlas.

Saya juga mengambil kesempatan ini untuk mengucapkan tahniah kepada Yang Amat Berhormat Tuan Chow Kon Yeow atas pelantikannya sebagai Ketua Menteri yang baru iaitu Ketua Menteri yang kelima. Tahniah juga kepada barisan Ahli-ahli Majlis Mesyuarat Kerajaan Negeri di atas pelantikan untuk mengetuai portfolio masing-masing bagi melaksanakan agenda pembangunan negeri yang kita sayangi ini. Saya percaya barisan kepimpinan Kerajaan Negeri bersama-sama Yang Berhormat Ahli-ahli Dewan Undangan Negeri yang baru dan yang muda akan terus berusaha dengan penuh gigih berlandaskan prinsip-prinsip Cekap, Akauntabiliti dan Telus ataupun CAT untuk memacu kesejahteraan dan kemakmuran Negeri Pulau Pinang demi memenuhi aspirasi dan kepercayaan yang diberikan oleh rakyat.

Pilihanraya Umum yang keempat belas telah mencipta sejarah tersendiri kepada Negeri Pulau Pinang. Jika Pilihanraya Umum ke-12 pada 2008 telah menjadikan Negeri Pulau Pinang sebagai sebuah negeri pembangkang tetapi Pilihanraya Umum yang keempat belas telah melucutkan Pulau Pinang dengan *title* negeri Pembangkang sebaliknya Pulau Pinang telah bersama-sama dengan Wilayah Persekutuan sebagai Kerajaan Pakatan Harapan. Kemenangan ini sebenarnya perlu diterjemahkan bahawa ianya menjadikan segala urusan antara Kerajaan Negeri dan Persekutuan dapat di sinergikan. Malah pengiktirafan awal Kerajaan Persekutuan kepada Pulau Pinang selaras dengan keputusan Kerajaan Persekutuan memilih Pulau Pinang selaku tuan rumah untuk Majlis Pelancaran Bulan Kebangsaan dan Kibar Jalur Gemilang 2018 yang akan diadakan di Padang Kota Lama pada 04 Ogos 2018 dan akan dirasmikan oleh Yang Amat Berhormat Tun Dr. Mahathir Bin Mohamad, Perdana Menteri Malaysia.

Ahli-ahli Yang Berhormat, saya berharap Ahli-ahli Yang Berhormat dapat menggunakan sebaik-baiknya Persidangan Dewan Undangan Negeri untuk menentukan hala tuju negeri bagi tempoh lima (5) tahun akan datang. Ahli-ahli Yang Berhormat hendaklah mematuhi segala ketetapan dan Peraturan-peraturan Majlis Mesyuarat Dewan Undangan Negeri. Saya percaya Dewan Undangan ini dapat menjadi sebagai medan untuk menegakkan keadilan dan demokrasi serta Dewan yang mulia ini juga akan menyaksikan Ahli-ahli Yang Berhormat mengambil bahagian dalam perbahasan secara berhemah serta sopan, mematuhi tatasusila dan etika perbahasan dengan mengutarakan buah fikiran yang bernas dan memberi cadangan yang berkualiti. Ahli-ahli Yang Berhormat perlu mengambil bahagian dalam perbahasan secara matang serta dapat merangsangkan berfikir, mencari yang benar lagi baik serta memberi cadangan dan saranan dengan penuh berhemah lagi bijaksana, penuh kesopanan supaya institusi Dewan Undangan Negeri selaku Dewan yang mulia ini sentiasa terus dihormati, disegani dan dipandang tinggi oleh semua pihak setiap masa.

Dalam mana-mana perbahasan, terdapat perbezaan pandangan dalam beberapa perkara, raikan perbezaan tersebut dengan mengutarakan hujah balas secara bertata susila supaya kemuliaan Dewan ini terpelihara, terus dihormati dan dipandang tinggi terutamanya oleh rakyat Ahli-ahli Yang Berhormat wakili. Saya juga percaya Ahli-ahli Yang Berhormat akan sentiasa patuh dengan segala Peraturan Dewan termasuk dengan menepati masa supaya persidangan berlangsung dengan lancar.

Ahli-ahli Yang Berhormat, Negeri Pulau Pinang sememangnya mempunyai banyak kelebihan yang menjadi faktor pendorong kepada kepesatan pembangunan sosio ekonomi. Kedudukan yang strategik, kemudahan infrastruktur yang lengkap serta kewujudan pelbagai institusi pengajian tinggi awam dan swasta telah menyediakan satu persekitaran yang amat menggalakkan bagi pertemuan berbagai sektor khususnya perindustrian dan pelancongan.

Kita perlu bersyukur kerana Negeri Pulau Pinang mempunyai pakej yang lengkap untuk pelbagai bidang pelaburan. Saya yakin dengan kepimpinan Kerajaan Negeri yang Cekap, Akauntabiliti dan Telus yakni CAT akan menarik penyertaan lebih banyak pelabur baik tempatan mahupun antarabangsa. Selain itu, pakej lengkap tersebut juga menggalakkan lagi sektor pelancongan yang sememangnya telah lama bertapak di sini. Perkembangan tersebut memberi impak positif ke arah kesejahteraan dan kemakmuran Negeri Pulau Pinang secara berterusan.

Saya berharap kita tidak leka dengan pencapaian selama ini. Segala kecemerlangan yang dikecapi serta segala pengiktirafan atas kecemerlangan tersebut bukan sahaja perlu diteruskan malah perlu dipertingkatkan lagi khususnya untuk tempoh lima (5) tahun yang akan datang. Kerajaan Negeri bersama pihak swasta serta rakyat perlu terus bekerjasama sebagai satu jentera untuk memperbaiki dan mempertingkatkan ekonomi rakyat terutamanya mereka yang berpendapatan rendah. Pembinaan melalui agenda ekonomi dan politik tanpa mengira kaum dapat menegakkan keadilan sosial serta merapatkan jurang antara kaum. Usaha Kerajaan Negeri dengan memberi tumpuan dalam meningkatkan peluang-peluang ekonomi baru sejajar dengan perkembangan revolusi industri 4.0 yang menekankan teknologi kreatif *Internet of Things* (IOT) tidak dapat dinafikan.

Selain itu dalam usaha untuk menjadi sebuah negeri maju , tumpuan terhadap pembangunan bakat atau talent management dalam bidang Sains, Teknologi, Kejuruteraan dan Matematik (STEM) perlu dilipatgandakan. Adalah menjadi harapan saya agar suatu hari nanti Pulau Pinang akan menjadi pusat kecemerlangan Sains dan Teknologi tinggl di rantau ini setaraf dengan *Silicon Valley* di Amerika, *Tsukuba Science City* di Jepun ataupun *Suwon* di Korea Selatan. Untuk menterjemahkan hasrat tersebut menjadi suatu realiti, saya menyarankan supaya Ahli-Ahli Yang Berhormat memainkan peranan yang aktif dalam membantu kerajaan.

Ahli-Ahli Yang Berhormat, aspek pembangunan mampan atau *sustainable development* yang perlu menitikberatkan kehijauan dan kelestarian harus kita memberikan perhatian yang serius oleh Kerajaan Negeri dan Ahli-Ahli Yang Berhormat sekalian. Pembangunan mampan adalah perlu untuk memastikan keperluan generasi hari ini dipenuhi tanpa mengorbankan hak generasi yang akan datang.

Selain itu, suka saya tegaskan di sini bahawa dalam kepesatan pembangunan yang dikecapi, mereka yang kurang bernasib baik tidak harus kita lupakan. Saya berharap agar Kerajaan Negeri terus memberi fokus terhadap keperluan golongan B40 dan M40 terutama berkaitan kos sara hidup dan kediaman mampu milik. Penyediaan Rumah Mampu Milik (RMM) yang mencukupi adalah perlu terutama rumah yang berharga RM42,000.00 untuk memastikan matlamat "Satu Keluarga Satu Rumah" dapat dicapai. Dalam hal ini, pihak swasta juga perlu tampil dalam membantu Kerajaan Negeri untuk menangani isu tersebut dan tidak hanya memikirkan keuntungan semata-mata.

Ahli-Ahli Yang Berhormat, seperti yang termaktub dalam Perlembagaan Persekutuan, Islam adalah agama rasmi Persekutuan. Oleh itu ia harus dimartabatkan dengan memperkasa institusi-institusi berkaitan Islam, selain daripada mempergiatkan program-program pembangunan insan yang seimbang antara duniawi dan ukhrawi. Usaha murni seperti ini mampu melahirkan masyarakat yang bertamadun dan berakhlak mulia dalam kepesatan pembangunan.

Ahli-ahli Yang Berhormat, mentadbir sesebuah negeri adalah suatu amanah besar untuk dipikul Kerajaan Negeri. Namun, tanggungjawab yang berat ini akan dapat diringankan sekiranya ia dilaksanakan dengan semangat berpasukan yang tinggi dalam kalangan kepimpinan negeri dan sokongan padu Ahli-ahli Yang Berhormat adalah diperlukan. Dalam perkara ini, saya mempunyai keyakinan yang tinggi bahawa Yang Amat Berhormat Ketua Menteri, Ahli-ahli Majlis Mesyuarat Kerajaan Negeri dan Ahli-ahli Yang Berhormat mempunyai kekuatan untuk menggalas tanggungjawab tersebut dengan berkesan. Di kesempatan ini saya menyerukan semua Ahli-ahli Yang Berhormat walaupun pembangkang, untuk sama-sama berusaha dan bergerak seiring dengan kerajaan untuk membela kehidupan rakyat dengan mempertingkatkan keadilan serta memastikan pembelaan yang sewajarnya dari segi peluang ekonomi, sosial dan lain-lain.

Sebagai rumusan adalah menjadi harapan saya untuk melihat Ahli-ahli Yang Berhormat bersama-sama semua warga kerja perkhidmatan awam, swasta dan rakyat negeri ini menggembeng tenaga serta daya fikir untuk menyumbang ke arah pelaksanaan projek-projek fizikal dan bukan fizikal yang *people centric*.

Saya juga merakamkan setinggi-tinggi penghargaan dan terima kasih atas komitmen dan sumbangan oleh seluruh Anggota Perkhidmatan Awam, Anggota Pasukan Keselamatan khususnya Polis Diraja Malaysia dan Angkatan Tentera Malaysia serta semua pihak yang terlibat dalam menyumbang ke arah pembangunan, keamanan dan kemakmuran negeri serta kesejahteraan rakyat negeri Pulau Pinang.

Akhir kata saya mendoakan agar Allah SWT sentiasa melimpahkan rahmat-Nya kepada kita semua serta melindungi negeri yang tercinta ini dari sebarang unsur negatif supaya kita terus maju, makmur dan mendapat perlindungan dari Yang Maha Esa.

Dengan lafaz *Bismillahirrahmanirrahim*, saya dengan sukacitanya merasmikan Pembukaan Mesyuarat Pertama Penggal Pertama Dewan Undangan Negeri Pulau Pinang Yang Keempat Belas.

Sekian.

Selamat bersidang di Dewan yang mulia ini. Terima Kasih. *Wasalamualaikum Warahmatullahi Wabarakatuh*.

#### **Yang di-Pertua Dewan Undangan Negeri:**

Ahli-ahli Yang Berhormat, para hadirin sekalian, Tuan Yang Terutama Tun dan Yang Amat Berbahagia Toh Puan akan meninggalkan Dewan ini sebentar lagi. Ahli-Ahli Yang Berhormat dijemput untuk bergambar bersama-sama dengan Tuan Yang Terutama Tun dan Ahli-Ahli Yang Berhormat mesyuarat ditangguhkan dan Dewan akan bersidang semula pada hari Isnin 6 Ogos 2018, jam 9.30 pagi.

#### **Setiausaha Dewan:**

Tuan Yang Terutama Yang di-Pertua Negeri dan Yang Amat Berbahagia Toh Puan meninggalkan Dewan persidangan.

***Dewan ditangguhkan pada jam 10.30 pagi.***